



唐秘書省正字先輩徐公鈞磯文集第六卷



詩長篇排律七首

依御史溫飛卿華清宮二十二韻

地靈蒸水暖天氣待宸遊
藏拱蓮花秀峰高玉藻秋
朝元雕翠閣乞巧繡瓊樓
碧海供驪嶺黃金絡馬頭
五王更入帳七貴迭封侯
夕雨鳴鴛瓦朝陽暉柘裘
伊臯爭負鼎舜禹讓垂旒
墮珥閑應拾遺釵醉不收
飛烟籠劔戟殘月照旌旒
旒求衣早臨陽解珮羞
宮詞裁錦段御筆落銀鈎
帝里新豐縣長安舊雍州
雪衣傳貝葉蟬鬢插山榴
對景瞻瑤兔昇天駕綵虬

此言遊月宮丹書陳北虜玄甲探犀牛聖誥多叱否生
後還祿山靈少怨尤穹旻當有輔帷幄豈無籌鳳態傷紅艷鸞
與暖紫騮樹名端正人在人欲夢竟休識悟山旁鬼塵
銷隴畔丘重求來芳草恨往事落花愁五十年鴻業東
憑渭水流

尚書命題瓦硯

遠向端溪得皆因郢匠成鑿山青靄斷琢石紫花輕
散墨松香起濡毫藻自清入臺知價重貯匣恐塵生
守墨還金器臨池早著名春闈携就試軍幙載將行
不獨雄文陣兼能助筆耕莫嫌涓滴潤淡染古今情

洗處無瑕玷添時識滿盈蘭亭如見用敲戛有金聲

尚書會仙亭詠薔薇寅坐中聯四韻晚歸補

緝所聯因成一篇

結綠根枝翡翠莖勾芒中夜刺猩、景陽粧赴嚴鐘
出楚峽神教暮雨晴躑躅豈能同日語玫瑰方可一
時呈風吹嫩帶香苞展露灑啼思淚點輕阿母築宮
期索去昭君榆塞闕賚行叢高恐礙含泥燕架隱宜
棲報曙鶯聞日只憂燒密葉映階疑欲讓雙旌含烟
散纈佳人惜落地遺鈿少妓爭丹渥不因輸繡段錢
圓誰把買花聲海棠若要分流品秋菊春蘭兩恰平

和尚書詠泉山瀑布十二韻

名齊火洗溢山椒誰把驚虹掛一條天外倚來秋水
及海心飛上白龍綃民田鑿斷雲根引僧圃穿通竹
影澆噴石似煙輕漠、滅崖如雨冷瀟、水中蠶緒
靦蒼壁日裏虹精挂絳霄寒漱綠陰仙桂老碎流紅
艷野桃夭千尋練馮年長在六出花開夏日消急恐
劃分青嶂骨久應裊袂翠微腰濯纓便可訊漁父洗
耳還宜傲帝堯林際猿猴偏得飯岸邊烏鵲擬為橋
赤城未到詩先寄廬阜曾遊夢已遙數夜積霖聲更
遠郡樓歌枕聽良宵

自詠十韻

只合滄洲釣與耕忽依螢燭愧功成未遊宦路叨卑
宦終到名場得大名梁苑二年陪衆客温陵十載佐
雙旌錢財盡是侯王惠骨肉偕承里巷榮拙賦偏聞
鑄印賣惡誥親見畫圖呈使宅行寅回文八體詩圖
兩面庚午秋使樓赴宴親
見每一倒翻多栽桃李期春色濶鑿池塘許月明寒
益衾稠饒美寢出乘車馬免徒行粗丈菽粟防飢歎
薄有盃盤備送迎僧俗共鄰棲隱樂妻孥同愛水雲
清如今便死還甘分莫更嫌他白髮生

東風解凍省試

暖氣飄蘋末凍痕銷水中扇沈初覺泮吹海旋成空
入律三春照朝空萬里通岸分天影開色照日光融
波起輕搖綠鱗遊乍躍紅慙慙排弱羽飛翥趨和風

和僕射二十四犬牡丹八韻

帝王城裏看無故亦無新忍摘都緣借移栽未有因
光陰嫌太促開落一何頻羞殺登墻女饒將解佩人
榮堪靈鳳啄香許白龍親素練籠霞曉紅粧帶臉春
莫辭終席醉易老少年身買取歸天上寧教逐世塵

五言律詩二十一首

旅次寓題

胡為名利役來往老關河白髮隨梳少青山入夢多
途窮憐抱疾世亂耻登科却起漁舟念春風釣綠波

釣臺

金門誰奉詔碧岸獨垂鈎舊友祇樵叟新交惟野鷗
嘉名懸日日汲谷化陵丘便可招巢父長川好飲牛

贈嚴司直

承家居闕下避世出關東有酒劉伶醉無兒伯道窮
新詩吟閣賞舊業釣臺空雨雪還相訪心懷與我同

贈東方道士

蒟蘆窓畔掛是物在其間雪色老人鬢桃花童子顏

祭星秋十日採藥曉登山舊放長生鹿時銜瑞草還

題僧壁

香厨流瀑布獨院鑠孤峯紺髮青螺長文茵紫豹重
卵枯皆化燕窩老却成蜂明月留人宿秋聲夜着松

和人經情唐間戰處

孤軍前度戰一敗一成功卷旆早歸國卧屍猶臂弓
草間腥半在沙上血殘紅傷魄何為者五湖垂釣翁

追和常建嘆王昭君

紅顏如朔雪日燦忽成空淚盡黃雲雨塵消白草風
君心爭不悔恨思竟何窮願化南飛燕年、入漢宮

贈董先生

壽歲過於百時間到上京食松雙鬢嫩絕粒四支輕
雨雪思中嶽雲霞夢赤城來年期受籙何處待先生

河流

洪流盤砥柱淮濟不同波莫訝清時少都緣曲處多
遠能通玉塞高復接銀河大禹成門嶮為龍始得過

題南寺

久別猿啼寺流年劫逝波舊僧歸塔盡古瓦長松多
壁蘚昏題紀窓螢散薜蘿平生英壯節何故旋消磨

北山秋晚

十載衣裘盡臨寒隱薜蘿心閑緣事少身老愛山多
玉露催收菊金風促剪禾燕秦正戎馬林下好婆婆

昔遊

昔遊紅杏苑今隱刺桐村歲計懸僧債科名負國恩
不書牋漸穩頻鑷鬢無根惟有經邦事年、志尚勤

酒詞子

紅筵絲竹合用爾作歡娛直指寧偏黨無私絕覬覦
當歌誰擲袖應節旋輕軀恰與真相似羶裘滿領鬚

予在補闕

近來吾道少慟哭博陵君直節巖前竹孤魂嶺上雲

搢紳傳確論丞相取遺文廢却中興策何由免用軍

予赤水李先生

三年悲過隙一室類銷冰妻病入仙觀子窮隨嶽僧
荒坵寒有雨古屋夜無燈住者清猷著金門幾欲徵

香鴨

不假陶鎔妙誰教羽翼全五金池畔質百和口中烟
觜鈍魚難啄心空火自燃御爐如有闕須進聖君前

鷄

名參十二屬花入羽毛深守信催朝日能鳴送曉陰
峩冠裝瑞璧利爪割黃金徒有稻梁感何由報德音

白鴿

舉翼凌空碧，依人到大邦。
粉翎棲畫閣，雪影拂瓊窓。
振鷺堪為侶，鳴鳩好作雙。
狎鷗歸未得，覩爾憶晴江。

龜

行止竟何從，深溪與古峯。
青荷巢瑞質，綠水返靈踪。
鑽骨神明應，酬恩感激重。
仙翁求一卦，何日脫龍鍾。

銀結條冠子

日下徵良匠，宮中贈阿嬌。
瑞蓮開二朶，瓊縷織千條。
蟬翼輕、結花紋細、挑舞時紅袖舉。
纖影透龍綃。

七言絕詩二十八首

鏡中覽懷

晨起梳頭忽自悲，鏡中親見數莖絲。
從今休說龍泉劍，世上恩讎報已遲。

楚國史

六國商於恤，最多良弓休縮劍。
休磨君王不剪如簧舌，再得張儀欲柰何。

張儀

荆楚南來又北歸，分明舌在不應違。
懷王本是無心者，籠得蒼鷹却放飛。

薔薇

朝露灑時如濯錦晚風飄處似遺鈿重門剩着黃金
鎖莫被飛非瓊摘上天

大夫松

五樹旌封許歲寒挽柯攀葉也無端爭如澗底凌霜
節不受秦皇亂世官

杏園

杏蕊苑簫聲好醉鄉春風嘉宴更無雙馮誰為謔稷天
子莫把瑤池並曲江

蕉葉

綠綺新裁織女機攔風搖日影雜披只應青帝行春

罷閑倚東墻草翠旗

路旁草

楚甸秦原萬里平誰教根向路旁生輕蹄繡轂長相
蹋合是榮時不得榮

蜀苑

劔門南面樹移向會仙亭錦水饒花艷岷山帶葉青
文君慚婉婉神女讓娉婷爛熳紅蕪紫飄香入繡扇

讀漢紀

布衣空手取中原勁卒雄師不足輪楚國八千秦百
萬豁開胸臆一時吞

李夫人二首

不望金輿到錦帷
人間樂極即須悲
若言要識愁中貌
也似君恩日、衰
招得香魂爵少翁
九華燈燭曉還空
漢王不及吳王樂
且與西施死處同

明妃

不用牽心恨画工
帝家無策及邊戎
香魂若得昇明月
夜、還應照漢宮

馬嵬

二百年來事遠聞
從龍誰解盡如雲
張均兄弟皆何

在却是楊妃死報君

依韻贈南安方處士

五首

七貴五侯生肯退
利塵名網死當拋
黔婁寂寞嚴陵
卧借問何人與結交

休驪羸蹄跡霜雪
書成何處敲君王
嵩山好與浮丘
約三十六峯雲外鄉

百萬僧中不為僧
比君知道僅誰能
無家寄泊南安
縣六月門前也似冰

兩鬢當春却似秋
僻居誇近野僧樓
落花明月皆臨
水明月不流花自流

晉楚忙、起戰塵龔黃門下有高人一畦雲薤三株
竹席上先生未是貧

依韻答黃校書

慈恩雁塔參差榜杏苑鶯花次第遊白日有愁猶可
散青山高卧况無愁

傷進士謝庭皓

大順中以詞賦著名與徐寅
不相上下時號錦繡帷

敵書猶未達明君何事先遊岱嶽雲惟有春風護
冤魂與先青草蓋孤墳

聞司空侍郎下世

園綺生雖逢漢室巢由死不謂堯階不八起徵夫君歿去

何人葬合處夷齊隱處埋

偶題二首

買骨須求騏驥骨愛毛宜採鳳凰毛
鴛駘燕雀堪何用仍向人前價例高
賦就長安擬大名斬蛇功與樂天爭
歸來延壽溪頭坐終日無人問一聲

猿

宿有喬林飲有溪生來蹤跡遠塵泥
不知心更愁何事每向深山夜啼

追和賈浪仙古鏡

誰聞黃帝喬山家家明月飛光出九泉
狼籍蘚痕磨不盡黑雲殘點汗秋天

蝴蝶二首

不並難飛繭裏蛾有花芳處定經過
天風相送輕飄去却咲蜘蛛謾結羅
葍、雙、拂、画、欄、佳、人、偷、眼、再、三、看、莫、欺、翼、短、飛、長、
近、試、就、花、間、撲、已、難

新刺襪

素手春溪罷浣紗巧裁明月半彎斜
齊宮合贈東昏寵好步黃金繭苔花

唐秘書省正字先輩徐公鈞磯文集第七卷

詩

七言律 五十二首

華清宮

十二瓊樓似翠微暮霞遺却六銖衣
桐枯丹穴鳳何去天在鼎湖龍不歸
簾影罷添新翡翠露華猶濕舊珠璣
君王魂斷驪山路且向蓬瀛伴貴妃

再奉華清宮

賜斷將軍改葬歸錦囊香在憶當時
年來却恨相思樹春至不生連
理枝雪女塚頭瑤草合貴妃池裏玉

蓮衰霓裳舊曲飛霜殿夢破魂驚絕後期

鬢髮

鬢添華髮數莖新羅雀門前絕故人減食為緣疎五
味不眠非是守庚申深園竹綠齊抽笋古木蛇青白
脫鱗天地有爐長鑄物濁泥遺塊待陶鈞

喜而上主人尚書

天皇攘袂敕神龍雨我公口兆歲豐幾日淋漓侵暮
角數宵滂沛徹晨鐘細如春霧籠平野猛似秋風擊
古松門下十年耕稼者坐來偏憶翠微峯

迴文詩二首

飛書一幅錦紋文回恨寫深情寄雁來機上月殘香閣
掩樹梢煙澹綠窗開霏、雨罷歌終曲漠、雲深滿
酒盃歸日幾人行問卜微音想望倚高臺
輕航帆數點千峰碧水接雲山四望遙晴日海霞紅靄
、曉天江樹綠迢、清波石眼泉當檻小送松門寺
對橋明月釣舟漁浦遠傾山雪浪暗隨潮

不把漁竿

不把漁竿不灌園策筇吟逸綠蕪村得爭野老眠雲
樂倍感閩王與善恩鳥趣竹風穿靜戶魚吹烟浪噴
晴軒何人買我安貧趣百萬黃金未可論

古往今來

古往今來恨莫窮不如沉醉卧春風雀兒無角長穿
屋鸚鵡能言却入籠柳惠豈嫌居下位朱雲直去指
三公閑思郭令長安宅草沒匡牆舊事空

十里煙籠

十里煙籠一徑分故人迢遞久離群白雲明月皆由
我碧水青山忽贈君浮世宦名渾似夢半生勤苦謾
為文北邙坡上青松下盡是鏘金佩玉墳

偶書

巧者多為拙者資良籌第一在乘時市門逐利終身

飽谷口躬耕蓋日飢瓊玖鬻來中燕石蓬蒿芳處楚
蘭衰高皇冷咲重腫客蓋世拔山何所為

潤屋

潤屋豐家莫妄求眼看多是與身讐百禽羅得皆黃
口四皓山丹始白頭玉爍火先爭肯變芳草崎岸不
魯秋朱門粉署何由到空寄新詩謝列侯

退居

鶴性松心合在山五侯門館怯趨旋三年卧病不能
免一日受恩方得還明月送人松驛路白雲隨馬入
柴關咲他范蠡貪林甚相累金多始退閑

閉門

閉却閑門卧小窓更何人與療膏盲一生有酒唯和
醉四大無根可預量骨冷欲針先覺痛肉頑頻灸不
成瘡漳濱伏枕文園渴盜跖蹤橫似虎狼

開窓

閉戶開窓窻又興三更時節也如水長閑便是忘机
者不出真如過夏僧環堵豈暫^釋蝸作舍布衣寧假鶴
為翎薔薇花盡薰風起綠葉空隨滿架藤

燈花

點蠟燒銀却栽勝九華紅艷吐玫瑰獨含冬夜寒光

折不傷春風煖處開難見只因能送喜莫挑唯恐墜
成灰貪膏附爇多相誤為報飛蛾罷拂來

東歸出城留別知己

常蒙屈指許非才三載長安共酒盃欲別未攀楊柳
贈相留擬待牡丹開寒隨御水波光散暖逐衡陽雁
影來它日因書問哀颯東溪須訪子陵臺

詠懷

愁花變出白髭鬚半世辛勤一事無道在或期君夢
想貧來爭柰鬼柳榆馬卿自愧長嬰疾顏子誰憐不
是愚借取秦宮臺上鏡為時照開漢妖狐

郊村獨遊

歲閨憐^堪 曆候遲 出門惟與野雲斯 驚魚擲上綠荷
芟棲鳥啄餘紅荔枝 末路可能長薄命 修途應合有
良時 市頭相者休相戲 感膝先生半自知

經故翰林楊左丞池亭

八角紅亭蔭綠池 一朝青草蓋遺基 薔薇藤老開花
淺 翡翠巢空落羽奇 春塲幾昇門下客 樂章多取集
中詩 平生德義人間頌 身後何勞更立碑

經故廣平負外舊宅

門巷蕭條引涕洟 遺孤三歲着麻衣 綠楊樹老垂絲

短翠竹林荒 著筍稀 結社僧因秋朔 弔買船近葬時
歸平生欲敵匡君策 抱病猶言未息机

潘丞相舊宅

綠樹垂枝蔭四隣 春風還似舊時春 燕是雕梁
主處 花隨落月塵 七貴竟為長逝客 五侯尋作不
歸人 秋槐影薄蟬聲盡 休說龍門待化鱗

門外閑田數畝長 有泉源因築直堤分為兩

沼

左右澄漪小檻前 直堤高築古平川 十分春水雙簷
影 一片秋空兩月圓 前岸好山搖細浪 夾門嘉樹合

晴煙坐來暗起江湖思
速問溪翁買釣船

北園

北園乾葉旋空枝
蘭蕙還將衆草衰
籠鳥上天猶有待
病龍興雨豈無期
身閑不厭頻來客
年老偏憐最
小兒生事衆
求名與利一牕書
策是年支

溪上要一隻白簞
扇蓋頭垂釣
去年就節推
侍御請之蒙惠一
栢紫花紋者
雖則鱗華具
甚紕薄不及清源
所出曰就南郡陳
常侍請
之遂成拙句

難求珍筴過炎天
遠就金貂乞月圓
直在引風歌角

枕且圖遮日上漁船
但令織取無花簞
不用挑為飲
露蟬莫道如今時
較晚也應留得到明年

招隱

齒髮那能敵歲華
早知休去避塵沙
鬼神只闕高明
里倚伏不工棲
隱家陶景豈全輕
組綬留侯非獨愛
煙霞贈君吉語堪
銳座看取朝開暮落花

憶山友

憶得當年接善隣
苦將閑事強夫君
闌開碧沼分明
月各領青山占白雲
近日藥方多
繕寫舊來詩
草半燒焚金門幾
欲言西上惆悵
關河正用軍

溪隱

將名將利已無緣
深隱清溪擬學仙
絕却腥羶勝服藥
斷除盃酒合延年
蝸牛殼陋寧同舍
榆莢花開不是錢
鸞鶴久從籠檻閉
春風却放紙為鳶

酒醒

酒醒欲得遠閑情
騎馬那勝策杖行
天暖天寒三月暮
溪南溪北兩村名
沙澄淡水魚知釣
花落平田鶴見耕
望斷長安故交遠
來書未說九河清

夢斷

夢斷紗窓半夜雷
別君花落又花開
漁陽路遠書難

寄衡嶽山高雁不來
玄燕有情穿繡戶
靈龜無應祝金盃
人生若得長相對
螢火生烟草化灰

人事

人事飄如一炷煙
且須求佛與求仙
豐年甲子春無雨
良夜庚申夏迢眠
顏氏豈嫌瓢裏飲
孟光非取鏡中妍
平生計何為者
三徑蒼苔十畝田

休說

休說人間有陸沉
一樽閑待月明斟
時來不怕滄溟闊
道大却憂潢潦深
白首釣魚應是分
青雲干祿已無心
梓桐賦罷相如隱
誰為君前永夜吟

嘉運

嘉運良時兩阻修釣竿簞笠樂林丘家無寸白渾閑
事身似浮雲且自由庭際鳥啼花落潭心月在水
空流晨炊一筋紅銀粒憶着長安索米秋

綠鬢

綠鬢先生自出林孟光同樂野雲深躬耕為食古人
操非織不衣賢者心眼衆豈能分瑞璧舌多須信爍
良金君看黃閣南遷客一過瀧州絕好音

驕侈

驕侈沾危儉素牢鏡中形影豈能逃石家恃富身還

滅顏子非貧道不遭蝙蝠亦能知日月鸞凰那肯啄
腥臊古今人事惟堪醉好脫霜裘換綠醪

龍蟄

龍蟄蛇蟠却待伸和光何惜且同塵伍員豈是吹簫
者冀缺非同執耒人神劍觸星當變化良金成器在
陶鈞穰侯休息閑東客張祿先生竟相秦

又

休說雄才問代生到頭難與運相爭時通有詔徵枚
乘世亂無人薦禰衡逐日莫矜駑馬步司晨誰要牝
鷄鳴中林且作煙霞侶塵滿關河未可行

逐臭蒼蠅

逐臭蒼蠅豈有為清蟬吟露最高奇多藏苟得何名
富飽食嗟來未勝飢窮寂不妨延壽考貪狂縱待美
毫釐首陽山翠千年在好莫冰壺平伯夷

牡丹花

看偏花無味此花剪雲披雪蘸丹砂開當青律二三
月破却長安千萬家天縱穠華剝鄙吝春教妖豔毒
豪奢不隨韓令同時放倍種霜松與辟邪

又

萬一花中第一流淺霞輕染嫩銀甌能狂綺陌千金

子也惑朱門萬戶侯朝日照開携酒看暮風吹落遶
欄收詩書滿架塵埃撲盡日無人畧舉頭

尚書座上賦牡丹花得輕字韻其花自越中

移植

流蘇凝作瑤華精仙閣開時麗日晴霜月冷銷銀燭
焰寶甌圓印綵雲英嬌含嫩臉春粧薄紅蘸香綃艷
色輕早晚有人天上去寄他將贈董雙成

依韻和尚書再贈牡丹花

爛銀基地薄紅粧羞殺千花百卉芳紫陌昔曾遊寺
看朱門今再遶欄相龍分夜雨資驕態天與春風發

好香多着黃金何處買輕梳挑過鏡湖光

郡庭惜牡丹

腸斷東風落牡丹為祥為瑞久留誰青春不駐堪垂
淚紅艷已空猶倚欄積蘚下銷香蕊盡晴陽高照露
華乾明年萬葉千枝長倍發芳菲借客看

追和白舍人詠白牡丹

蓓蕾抽開素練囊瓊葩薰山白龍香裁分楚女朝雲
片剪破姮娥夜月光雪句豈須徵柳絮粉腮應恨帖
梅粧檻邊幾咲東籬菊冷折金風待降霜

憶牡丹

綠樹多和雪霰栽長安一別十年來王侯買詩價偏
重桃李落殘花始開宋玉隣邊腮正嫩文君机上錦
初裁滄洲春暮空腸斷盡看猶將勸酒盃

惜牡丹

今日狂風揭錦筵預愁吹落夕陽天閑看紅豔只宜
醉謾惜黃金豈是賢南國好偷誇粉黛漢宮宜摘贈
神仙良時雖作鶯花主白馬王孫恰少年

覽柳渾汀洲採白蘋之什因成一章

採盡汀蘋恨別離鴛鴦鷺鷥總雙飛月明南浦夢初
斷花落洞庭人未歸天遠有書隨驛使夜長無燭照

寒机年来泣淚知多少重叠成痕在綉衣

司直巡官無諸移到玫瑰花

芳菲移自越王臺最似薔薇好並栽穠艷盡憐勝綵
繪嘉名誰贈作玫瑰春藏錦綉風吹折天染瓊瑤日
照開為報朱衣早邀客莫教零落委蒼苔

梅花

瓊瑤初綻嶺頭葩蕊粉新粒姹女家舉世更誰憐潔
白癡心皆盡愛繁華玄冥借與三冬景謝氏輸他六
出花結實和羨知有日肯隨羗笛落天涯

荔枝

朱殫星丸粲日光綠瓊枝散小香囊龍綃殼綻紅紋
栗魚目珠涵白膜漿梅熟已過南嶺雨橘酸空待洞
庭霜蠻山蹋曉和烟摘拜捧金盤敵越王

又

日薰風卷瘴煙南園珍菓荔枝先靈鴉啄破瓊津
滴寶器盛來蚌腹圓錦里只聞銷醉渴葉宮惟合贈
神仙何人刺出猩血深染羅紋遍殼鮮

菊花

桓景登高事可尋黃花開處綠畦深消災辟惡君須
採冷露寒霜我自禁籬物早榮還早謝澗松同德復

同心陶公是居貧者利有東籬萬朵金

畫松

澗底陰森驗筆精筆閑開展覺神清
曾當月照還無影若許風吹合有聲
杖屨只應玄鶴識根深宜与茯苓
生天台道士頻來見說似株、倚赤城

唐秘書省正字先輩徐公鈞磯文集第八卷

詩

七言律 五十二首

草木

草木無情亦可嗟重開明鏡照無涯
菊英空折羅含宅榆莢不生原憲家
天命豈醫馮藥石世途還要辟
蟲沙仙翁乞取金盤露洗却蒼、兩鬢華

松

澗底青松不染塵未逢良匠競誰分
龍盤勁節巖前見鶴暖翠梢天上聞
大廈可營誰擇木女蘿相附欲

凌雲皇王自有增封日脩竹徒勞號此君

竹

翠染琅玕粉漸開東南移得會稽栽遊絲掛處漁竿
去綠水夾時龍影來風觸有聲含六律露霑如洗絕
浮埃王猷舊宅無人到抱却清陰蓋綠苔

釣絲竹

翟、拂清流堪維舳舻舟野蟲懸作餌溪月曲為鈞
雨潤搖堦長風吹繞指柔若將諸樹比還使綠楊羞
蠶婦非堯女漁人是子猷湖邊舊栽處長映讀書樓
尚書打毬小聰聰步驟最奇因有所贈

善價千金未可論燕王新寄小龍孫逐將白日馳青
漢街得流星入畫門步驟最能隨手轉性靈多恐會
人言桃花雪點多雖貴全假當場一顧恩

尚書惠蠟白茶

武夷春暖只初圓採摘新芽畝地仙飛鵲印成香蠟
片啼猿溪走木蘭船金槽和碾沉香末冰椀輕涵翠
綠烟分贈恩深知最異晚鐙宜煮北山泉

勸酒

休向樽前翹羽觥百壺清酌與君傾身同綠樹年、
老事比紅塵日、生六國英雄徒反覆九原松柏甚

分明醉鄉路與乾坤隔豈信人間有利名

斷酒

因論沉湎覺前非便碎金壘與羽卮採茗早馳三蜀
使看花甘負五侯期窓間近火劉伶傳坐右新銘管
仲辭此事十年前已說匡廬山下老僧知

憶舊山

澗竹巖雲有舊期二年頻長鬢邊絲遊魚不愛金杯
水棲鳥敢求瓊樹枝陶景戀溪松檜隱留侯拋却帝
王師龍爭虎攫皆閑事數疊山光在夢思

西華

五千仞有餘神秀一、排雲上六寥疊嶂出關分二
陝殘崗過水作中條巨靈廟破生春草毛女峰高入
絳霄拜祝金天乞陰德為民求主降神堯

嵐似屏風

嵐似屏風草似茵草邊時贈錦花鱗山中宰相陶弘
景谷口耕夫鄭子真宦達到頭思野逸才多未必咲
清貧君看東洛平泉宅只有年、百卉春

憶潼關

洞壑雙扉入到初似從深窅覩高虛天開白日臨軍
國山夾黃河護帝居隋煬遠遊宜不及秦春長策竟

何如須知皇漢能扁鑄延得年過四百餘

憶潼關早行

行客起看仙掌月落星斜照濁河泥故山遠處高飛
雁去馬鳴時先早鷄關柳不知誰氏種岳碑猶見聖
君題藟莠十軸僅三尺豈謂青雲便有梯

鴻門

耨月耕煙水國春薄徒應嘆作農人皇王尚法三推
禮白社寧忘四體勤雨灑蓑衣芳草暗烏啼雲樹小
村貧猶勝墮力求飡者五斗低腰走世塵

憶長安行

舊歷關中憶廢興僭奢須戒儉須憑火先只是燒秦
塚賊眼何曾視灞陵鐘鼓煎催人自急侯王更換恨
堆曠不如坐釣清溪月心共寒潭一片澄

憶長安上省年

忽憶關中逐計車歷坊騎馬信空虛三秋病起見新
雁八月夜長思舊居宗伯帳前曾賦相君門下再
投書如今說着猶堪泣兩宿都堂過歲除

長安述懷

黃河水合當來遊知命知時肯躁求詞賦有名堪自
負春風落第不曾羞風塵色裏凋雙鬢擊鼓聲中歷

幾州十載公卿早言屈何須課夏更冥搜

長安即事

拋擲清溪舊釣鉤長安寒暑耳環周便隨鶯羽三春
化只識蟬聲一度愁掃藻自憐窓雪照上天寧愧海
槎流明時則待金門詔肯羨班超萬戶侯

又

無酒窮愁結自舒飲河求滿不求餘身登霄漢平時
第家得干戈定後書富貴敢期蘇季子清貧方見馬
相如明時用即匡君去不用何妨却釣魚

又

拖紫腰金不要論便堪歸隱白雲村更無名籍強金
榜豈有花枝勝杏園綺席促時皆國器羽旄飛處盡
王孫高眠亦是前賢事爭報春闈莫大恩

東京次新安道中

賊去兵來歲月長野蒿空滿壞墻匡旋從古轍成深
谷幾見金輿過上陽洛水送年催代謝嵩山擎日拂
穹蒼殊時異世為儒者不見文皇與武皇

山陰故事

坦腹夫君不可逢千年猶在播英風紅鷺化鶴青天
遠綵筆成龍綠水空爰竹只應憐直節書裙多是為

奇童吹笙嶺登山後東注清淮豈有窮

温陵即事

早年師友教為文賣却魚舟網典漢國有安危期日
諫家無擔石暫從軍非才豈合攀丹桂多病猶堪伴
白雲爭得千鍾季孫粟滄洲歸与故人分

温陵殘臘書懷寄崔尚書

濟川無楫擬何為三傑還從漢祖推心學庭槐空發
火鬢同門柳即垂絲中興未遇先懷策除夜相催也
課詩江上年、接君子一盃春酒一枰碁

義通里寓居即事

家住寒梅翠嶺東長安時節詠途窮牡丹窠小春餘
雨楊柳絲疎夏足風愁鬢已還年紀白衰容寧藉酒
盃紅長卿甚有凌雲作誰與清吟遶帝宮

上陽宮詞

點、苔錢上玉墀日斜空望六龍西粧臺塵暗青鸞
掩宮樹月明黃鳥啼庭草可憐分雨露君恩深恨隔
雲泥銀蟾借與金波路得入重輪伴弄妻

西寨寓居

閑讀南華對酒盃醉携筇竹畫蒼苔豪門有利人爭
去陋巷無權客不來解報可能醫病雀重燃誰肯煦

寒灰嚴陵萬古清風在好棹東溪詠釣臺

又

功智爭馳淡薄空猶懷忠信擬何從
鷓鴣啄腐疑雖鳳神鬼欺貧笑伯龍
烈日不融霜鬢雪病身全仰竹枝節
崇侯入輔嚴陵退堪憶啼猿萬仞峯

題福州天王閣

絕境宜棲獨角仙金張到此亦忘還
三門裏面千層閣萬井中心一朵山
江物碧灣盤洞府石排青壁護禪關
有時海上看明月輾出冰輪疊浪間

憶薦福寺南院

憶昔長安落第春佛宮南院獨遊頻
燈前不動惟金像壁上曾題盡古人
鷓鴣聲中雙闕雨牡丹花際六街塵
啼猿溪上將歸去合問昇平詣秉鈞

塔院小屋四壁皆是卿相題名因成韻

鴈塔攬空映九衢每看華宇每踟躕
題名盡是台衡迹滿壁堪為宰輔圖
鸞鳳豈巢荆棘樹虬龍多蟄帝王都
誰知遠客思歸夢夜、無船自過湖

題名琉璃院今改名景祥院

一條溪遶翠巖隈行脚僧言勝五臺
一本作一條溪碧遠崔嵬却偏
此宜限向農罷樹陰黃犢卧齋時山下
白衣來松因徃日

門人種路是前生長老開三卷貝多金粟語可能長
誦免輪迴

寺中偶題

聽話金仙自相惠每來皆得解塵勞鶴棲雲路看方
貴僧倚松門見始高名利罷燒心內火雪霜偏垢鬢
邊毛銀蟾夫出金烏在更上層樓眺海濤

山寺寓居

高卧東林最上方水聲山翠別愁腸白雲送雨籠僧
閣黃葉隨風入客堂終去四明成大道暫從雙鬢許
秋霜披緇學佛應無分鶴氅談空亦不妨

寄僧偶題

佛頂抄經憶惠休衆人皆謂我悠、浮生真箇醉中
夢閑事莫添身外愁百歲付於花暗落四時隨却水
奔流安眠靜咲忘何報日夜焚修祝郡侯

遊靈隱天竺二寺

丹井冷泉虛易到兩山真界實難名石和雲霧蓮華
氣月過樓臺桂子青驕踏回橋巡像設羅穿曲洞出
龍城更憐童子呼猿去颯、蕭、下樹行

醉題邑宰南塘屋壁

萬古清淮照遠天黃河濁浪不相關縣留東道三千

客宅鎖南塘一片山草色淨經秋雨綠燒痕寒入曉
窓斑闥王美錦求賢製未許陶公解印還

題泗洲塔

十年前事已悠哉旋被鐘聲早暮催明月似師生又
沒白雲如客去還來烟籠瑞閣僧經靜風打虛窓夜
月開惟有尚邊山色在空、依舊上高臺

東歸題屋壁

塵埃歸去五湖東還是衡門一畝宮舊業旋從征賦
失故人多逐亂離空思悲盡室如懸磬却擬携家學
轉蓬見說武王天上夢無情曾與傳巖通

寓題

酒壺碁局似閑人竹笏藍衫老此身託客買書重得
卷爰山移宅近為隣鳴蛩閣上風吹病落葉庭中月
照貧見說天池波浪闊也應消滴滅窮鱗

偶題

閑補亡書見廢興偶然前古也填膺秦宮猶自拜張
祿楚幕不知留范增大道豈全閑曆數雄圖強半屬
賢能燕臺財力知多少誰築黃金到九層

寓題述懷

大道真風早晚還妖訛成俗污乾坤宣尼既沒蘇張

起鳳鳥不來鷄雀喧
芻豢可能供驥子
草多誰復訪
蘭蓀堯廷忘却徵
元凱天闕重闕十二門

將入城靈口道中作

路上長安咫尺間
灞陵西望接秦源
依稀日下分天
闕隱映雲邊是國門
錦袖臂應河北客
青桑鳴雉渭
南村高風九萬程
途近興報滄洲欲化鯤

新屋

耳順何為土木新
叔孫墻屋有前聞
縱然一世知紅
葉猶得十年吟
白雲性逸且圖稱
野客才難非敢傲
明君清甜數尺沙
泉井平與隣家晝夜分

新葺節堂

剪竹誅茅就水雲
靜中還得保天真
只聞神鬼害盈
滿不見古今爭
賤貧樹影便為廊
廡屋草香樵當綺
羅茵塔前一片泓
澄水借與汀禽活紫鱗

又

耨水耕山息故林
壯圖嘉話負前心
素絲鬢二分愁
色絡緯床頭和苦吟
筆硯不才當付火
方書多誑罷
燒金同年二十八
君子遊楚遊秦
新好音

茆亭

鴛尾紅梁計已踈
織茅編竹稱貧居
剪平恰似山僧

笠掃靜真同道者廬秋晚捲簾看過雁月明憑檻數
跳魚重門公子應相咲四壁風霜老讀書

客廳

移却松筠致客堂淨泥環堵貯荷香
蘄茅只要免風雨藻枕不須高棟梁
豐蔀仲尼明演易作歌三子恨
雕牆燕臺漢閣王侯事肯史千年播耿光

詠寫真

寫得衰容似十全閑開僧舍靜時懸
瘦於南國從軍日老却東堂射策年
潭底看身寧有異鏡中引影更無偏
借將前輩真儀比未愧金鑿李諫仙

放榜日

喧、車馬欲朝天人探東堂榜已懸
萬里便隨金鸞驚三台仍借玉連錢
南海相公此時在花浮酒影形
霞爛日照衫光瑤色鮮十二街前樓閣上捲簾誰不
看神仙

曲江宴日呈諸同年

鶴鶴驚與鳳凰同忽向中興遇至公
金榜連名昇碧落紫花封勅出瓊宮
天知惜日遲、暮春為催花旋、紅好是慈恩題了望
白雲飛盡塔連空

渤海賓貢高元固先輩闈中相訪云本國人

寫得寅軒蛇劍御溝水人生幾何賦家皆以
金書列為屏障因而有贈

折桂何年下月中閩山來問我雕蟲肯銷金翠書屏
上誰把芻蕘過日東郊子昔時遭孔聖由余徃代諷
秦宮嗟、大國金門士幾箇人能振素風

唐秘書省正字先輩徐公鈞磯文集第九卷

詩

七言律 五十二首

偶吟

千卷長書萬首詩朝蒸暮蒸清時名立唯昏
我晚歲途窮亦問訛碧岬釣歸惟獨咲青山耕徧亦
何為尋常料擬懷中策可便降他兩鬢絲

贈表弟黃校書輅

昔居臨溪今居近市入市

產破身窮為學儒我家諸表愛詩書嚴陵雖說臨溪
隱晏子還聞近市居住句麗偷紅蕒苗吟牕冷落白

蟾蜍閑來共話無生理今古悠、事總虛

輦下贈屯田何負外

封章頻得帝咨嗟報國惟將直破初身到西山書幾
達官登南省鬢初華厨非寒食還無火菊待重陽擬
泛茶內翰好才兼好古秋來應數到君家負外與楊
老五翰林

同年恩
義最隆

贈月君

山妻字月君伏見文選中顧
彦光亦有贈婦四行此詠

出水蓮花比性靈三生塵夢一時醒神傳尊勝陀羅
呪佛授金剛般若經懿德好書添女誠素容堪画上

銀屏鳴梭軋、織、手窓戶光流織女星

贈垂光同年

丹桂攀來十七春如今始見茜袍新須知紅杏園中
客終作金鑾殿裏臣逸少家風惟筆札玄成世業是
陶鈞他時共閣朝元處莫忘同年射策人

贈楊著作

藻麗熒煌冠士林白華榮養有魯參十年去里君門
改八歲能詩相座吟李廣不侯身漸老子山操賦恨
何深釣魚臺上頻相訪共說長安淚滿襟

贈黃校書先輩璞閑居

取得驪龍第四珠，退休僧寺卜貧居。
青山入眼不干祿，白髮滿頭猶著書。
東澗野香添碧沼，南園夜雨長秋蔬。
月明掃石吟詩坐，諱却全無滌石儲。

尚書榮拜恩命，寅疾中輟課，惡詩二首以申攀讚。

明公家鑿鳳池，弱冠封侯四海推。
富貴有期天授早，闕河多難勃來遲。
昂星人傑當王佐，黃石仙翁識帝師。
昨日詔書猶漏缺，未言商也最能詩。

又

東郊迎入紫沈封，此日天仙下九重。
三五月明臨闕

澤下千人衆，看王恭旗傍綠樹遙。
分影馬踏浮雲不見蹤，借問乘詔何處客。
相庭雄幕卷芙蓉。

府主僕射王搏先日光化三年己未八月獻

熊羆先兆慶垂休，天地氤氳瑞氣浮。
李樹影籠周柱史，昴星光照漢鄼侯。
數鐘龜鶴千年筭，律正乾坤八月秋。
勲業定應歸典，爲生靈豈獨化東甌。

獻內翰楊侍郎

窓開青瑣見瑤臺，冷拂星辰逼上台。
丹鳳詔成中使取，白龍香近聖君來。
欲言溫暑三緘口，閑賦宮詞八斗才。
莫擬吟雲避禁貴，廟堂玉鉉待鹽梅。

送劉常侍

情君何計更留連，忍送文星上碧天。
杜預注通三十卷，漢皇杖節幾千年。
言端信義如明月，筆下篇章似湧泉。
他日有書隨雁足，東溪無吝訪漁舡。

送盧拾遺歸華山

紫殿諫多防佞口，清秋假滿別明君。
惟憂急詔歸青鎖，不得經時卧白雲。
千載松苓携鶴斲，一峯仙掌與僧分。
門前舊客期相薦，猶望飛書及主文。

春末送陳先輩之清源

貧中惟是長竿_華涯，每羨君行自嘆嗟。
歸日捧持明月

寶去時期刻，刺桐花春風避酒多。
遊寺晚騎聽鷄早，入衙不乘侯王若相問，飛書與報白雲家。

上盧三十_拾遺以言見黜

骨鯁如君道尚存，近來人事不須論。
疾危必厭衲明藥，心惑多嫌正直言。
冷眼靜看真好咲，傾懷與說却為冤。
目思周廟當時誠，金口三緘亦後昆。

送王校書往清源

南國賢侯符德風，長途仍借九花駟。
清歌早貫驪龍額，丹桂曾攀玉兔宮。
楊柳堤邊梅雨熱，鷓鴣聲裏麥田空。
吟詩臺上如相問，與說磻溪直釣翁。

岳州端午日送人遊柳連

五月巴陵值積陰送君千里客於柳北風吹雨黃梅
落西日過湖青草深競渡岸傍人斗錦採葵城上女
遺簪九疑雲閣蒼梧暗與說重華舊德音

賀清源太保王延柳

築珠宮裏謫神仙八載溫陵萬戶閑心地闊於雲夢
澤官資高却太行山姜牙北寄熊羆內陶侃文成掌
握間應咲清溪舊門吏年、扶病掩柴關

又

武宗江畔陰祥雲寵拜天人慶郡人五色鶴綾花上

勅九霄龍尾迫邊臣英雄達處誰言命富貴來時自
逼身更待春風飛吉語紫泥分付与陶鈞

病中春日即事寄主人尚書二首

身比秋荷覺漸枯致君終國墮前圖層冰照日猶能
暖病骨逢春却未蘇鏡裏白鬚_擗又長杖頭黃鳥靜
還呼庾樓恩化通神聖何計教招柳得盧
風北哀肌久未蠲破窓頻見月團圓更無舊日同人
問只有多情太守憐臘內送將三折股歲陰分与五
銖錢玄穹苦假年齡在願捧銅盤為國賢

寄華山司空侍郎三首

金闕爭權競敵功，獨逃徵詔卧三峯。
鷄群未必容於鶴，蛛網何由捕得龍。
清論盡應書國史，靜籌皆可息邊烽。
風霜落滿千林木，不近青、洞底松。
非雲非鶴不從容，誰敢輕量傲世蹤。
紫殿幾徵王佐業，青山未折詔書封。
閑吟每待秋空月，早起長先野寺鍾。
前古負才多為國，滿懷經濟欲何從。
仙掌林中第一人，鶴書時或問眠雲。
莫言踈野全無事，明月清風肯放君。

寄盧端公同年仁炯時遷都洛陽新立幼主

上陽宮闕翠華歸，百辟傷心序漢儀。
崑嶽有炎瓊玉碎，洛川無竹鳳凰飢。
須簪白筆匡明主，莫許黃畝博少師。
惆悵宸居遠於日，長吁空摘鬢邊絲。

寄天台陳希叟

陰山冰凍嘗迎夏，蟄戶雲雷只待春。
呂望豈嫌垂釣老，西施不恨浣紗貧。
坐為羽獵車中相，飛作君王掌上身。
拍手相思惟大笑，我曹寧比等閑人。

寄兩浙羅書記

進即堙沉退却升，錢塘風月過金陵。
鴻才入貢無人喚，白首從軍有詔徵。
博簿集成時輩罵，譏書編就薄

徒憎憐君道在名長在不到慈恩最上層

邑宰相訪翼日有寄

淵明深念却詵貧踏破莓苔看甌底碧沼共攀紅莖
箔金鞍不卸紫麒麟殘陽妬害催歸客薄酒甘嘗罰
主人夜半夢醒追復想欲長攀接有何因

白酒兩瓶送崔侍御

雪化霜融好潑醕滿壺冰涼向春開求從白石洞中
得携向百丈巖畔來幾夕露珠寒貝齒一泓銀水冷
瓊盃湖邊送與崔夫子誰見稽山蓋顏

依韻酬常循州

早花縣拜潘郎尋瓜飛鳴出桂堂日走登天長似
箭人向紅樹豈禁霜帆分南浦知離別駕在東州更
可傷公論一麾將塞詔且隨徵令過瀟湘

謝主人惠綠酒白魚

早起鵲聲送喜頻白魚芳酒寄木珍馨香乍揭春風
甕撥刺初辭夜雨津樽闕最宜澄桂液網踈珠未損
霜鱗不曾垂釣兼親醞堪愧金臺醉飽身

蜀

雖倚關張敵萬夫豈勝息信作良圖能均漢祚三分
業不負荊州六尺孤綠水有魚賢已得青桑如蓋瑞

先符君王幸是中山後建國如何號蜀都

魏

伐罪書勳令不常爭教為帝与為王十年小怨誅桓
邵一檄深讐怨孔璋在井螫龍如屈伏食糟驕馬忽
騰驤姦雄事過分明見英謚空懷許子將

吳

一主參差六十羊父兄猶度投孫權不迎曹操真長
策終謝張昭見碩賢建業龍盤雖可貴武昌魚味亦
何偏秦羸謾作東遊計紫氣黃旗豈偶然

兩晉

三世深謀啓帝基可憐孀婦與孤兒罪歸成濟皇天
恨戈犯明君萬古悲已蜀削平輕似帝勾吳吞却美
於館多詳知高鼻能知數競向中原斂戰旗

宋二首

天爵休將僖石論一身恭儉萬邦尊睹將金帶驚寰
海留得耕衣誠子孫締構不應饒漢祖姦雄行足教
王敦草中求活非吾事豈帝橫身向廟門
百萬人甘一擲輸玄穹惟与道相符豈知紫殿新天
子只是丹徒舊晉夫五色龍章身早見六終鴻業教
唯逾三年未得分明夢却為蘭陵啓霸圖

陳

三惑昏、中紫宸萬机拋却醉臨春書中不禮隋文帝井底尚携張貴嬪玉樹歌聲移一哭金陵天子化為臣兵戈半渡前江水狎客猶聞爭酒巡

讀史

亞父淒涼別楚營天留三傑翼龍爭高才無主不能用直道有時方始平喜温子文何穎悟卷藏蘧瑗甚分明須知飲啄由天命休問黃河早晚清

漢宮新寵

位社嬪妃最上頭咲他長信女悲秋日中月滿可能

火花落色衰珠未憂公主鏡中爭翠羽君王袖底奪金鈎妾家兄弟知多少恰要同時并列侯

開元即事

曲江真宰國忠訛尋奏漁陽忽荷戈堂上有兵天不用幄中無策印空多楊國忠時無諸使館三十二印塵驚騎透潼關鎖雲送龍遊錦水波未必蛾眉能破國千秋休恨馬嵬坡

李翰林

謫下三清列八仙獲調羨鼎侍龍顏冷開鎖闥窺天近醉卧金鑿特詔閑舊隱不歸劉備國旅魂長寄謝

公山遺編往簡應飛去散入祥雲瑞日間

聞長安庚子歲事

羽檄交馳觸冕旒函關飛入鐵兜龍
恨衰海失君方是憂五色火雲凝蜀郡
神州唐堯縱禪乾坤位不是重華莫謾求

公子行

十五轅門學控弦六街騎馬去如烟
價髮白未知章甫賢有耳不聞經國事
恩賤相如謾說凌雲賦四壁何曾有一錢

依韻贈嚴司直

曾轉霜蓬到玉京宣尼恩奏樂卿名
角賦換黃金愛馬卿滄海二隅身漸老
太行千疊路難行夫君才大官何小
堪恨人間事不平

傷前翰林楊左丞

飛上鰲頭侍玉皇三台遺耀換餘光
頡頏地上修文待卜商貞魄肯隨金石化
蘭香皇天未啓昇平運不使伊臯相禹湯

日月無情

日月無情也有情朝昇夕沒照均平
死還從後來賢聖生三尺靈烏金借耀
一輪飛鏡水雖催前代英雄

饒清憑誰築斷東溟路龍影蟾光免運行

新月

雲際嬋娟出又藏美人腸斷拜金方姮娥一隻眉先
掃織女三分鏡未光珠箔寄鈎懸杳靄白龍遺爪印
穹蒼更期十五圓明夜與破陰霾照八荒

和尚書詠煙

無根無蒂結還融曾觸嵐光徹底空不散幾知離畢
雨欲飛須待落花風玲瓏薄展蛟綃片幕歷輕含鳳
竹叢瓊竹捧來思舊隱撲窓穿戶曉溟濛

宮鶯

領得春光在帝家早從深谷出烟霞閑棲仙禁日邊
柳飢吟御園天上花睨眈只宜陪閣鳳間闕多是問
宮娃可憐鸚鵡矜言語長閉雕籠歲月賒

雙鷺

雙鷺雕籠昨夜開月明飛出立之隈但教綠水池塘
在自有碧天鴻雁來清韻叫霜歸烏樹素翎遺雪落
漁臺何人為我追尋得重勸溪翁酒一盃

鷓鴣

繡僕梅蕪羽翼全楚鷄非瑞莫爭先帝歸明月落邊
樹飛入百花深處烟避燒幾曾移遠岫引雛時見飲

晴川荔枝初熟無人際
啄破紅苞墜野田

唐秘書省正字先輩徐公鈞磯文集第十卷

詩

七言律 五十二首

鷹

害物傷生性豈馴
且宜籠罩待知人
惟擒燕雀啗腥血
却咲鸞鳳啄翠筠
放免穴多非爾識
鳴鳩尾短罰君身
豪門不讀詩書者
走馬平原放翫頻

蝴蝶二首

縹緲青蟲脫殼微
不堪煙重雨霏
一枝穠艷留教住
幾處春風借與飛
防患每憂鷄雀口
憐香偏逸綺

羅衣無情豈解開魂夢莫信莊周說是非
拂綠穿紅麗日長一生心事住春光最嫌神女來行
雨愛伴西施去採香風定只應攢畫粉夜寒長是宿
花房鳴蟬性分殊違闕空解三秋噪夕陽

郡侯座上觀琉璃瓶中遊魚

寶器一泓銀漢水錦鱗終動即元知似涵明月波寧
隔欲上輕冰律未移薄霧早來分咫尺碧綃籠處校
毫釐文翁未得沉香餌擬置金盤召左慈

剪刀

寶持多用繡為囊雙日交加兩片霜金匣掠平花翡

翠綠牕裁破錦鴛鴦初裁連理枝猶短誤縮同心帶
不長欲製緼袍先把看質非純綺愧銛銛

紙被

文采鴛鴦羅合歡細柔輕綴好魚鱗一床明月蓋
歸夢數尺白雲籠冷眠披對勁風溼豚酒擁聽寒雨暖
於綿赤眉豪客見皆咲却問儒生立幾錢

紙帳

幾咲文園四壁空避寒深入刺藤中誤懸謝守澄江
練自宿嫦娥白兔宮疊疊玉山開洞壑半巖春霧結
房櫳針羅截錦饒君侈爭及蒙茸暖避風

貢餘秘色茶盞

振翠融青瑞色新陶成先得貢吾君
巧剡明月染春水輕旋薄冰盛綠雲
古鏡破苔當席上嫩荷涵露別江濱
中山竹葉醅初發多病那堪中十分

蜀鞭

筇竹巖邊剔翠苔錦江波冷洗瓊瑰
累節展蒼龍骨寸珠聯巨蚌胎
須向廣場驅駿馱莫從閑處撻
鴛駘寧同晉帝環營日拋賺中途後騎來

詠簾

素節輕盈珠影勻何人巧思間成文
閑垂別殿風應

度半掩行宮麝欲熏繡戶遠籠寒焰重
玉樓高掛曙光分無情幾恨黃昏月
終到如鈎便墜雲

詠燈

分影由來恨不同綠窓孤館兩何窮
熒煌短焰長疑暗零落殘花旋委空
幾處隔簾愁夜雨誰家當戶怯秋風
莫言明滅無多事曾比人生一世中

詠扇

為發涼飈滿玉堂每親襟袖便難忘
霜濃雪暗知何在道契時來忽自揚
曾伴一樽臨小檻幾遮殘日過回廊
漢宮如有秋風起誰信班姬淚數行

詠筆二首

秦代將軍欲建功，截龍搜兔助英雄。川多誰念毛皆拔，拋却更嫌心不中。史氏只應歸道直，江淹何獨偶靈通。班超投管不成事，投擲翻從萬里戎。君子三歸擅一名，秋毫魚細握非輕。軍書羽檄教誰錄，帝命王言待我成。勢健豈饒泥水陣，鋒銛還學歷山耕。毛乾氏有何人潤，盡把燒焚恨始平。

詠錢

多蓄多藏豈足論，有誰還議濟王孫。能於禍處翻為福，解向讐家買得恩。幾怪鄧通難免餓，須知夷甫不

曾言朝爭暮競歸何處，盡入權門与俸門。

尚書筵中詠紅手帕

鶴綾三尺曉霞濃，送與東家二八容。羅帶繡裙輕好繫，藕絲紅縷細初縫。別來試淚遮桃臉，行去包香墜粉。曾無事把將纏皓腕，為君池上折芙蓉。

尚書新造花牋

濃染紅桃二月花，只宜神筆縱龍蛇。淺澄秋水看雲母，碎擘輕苔間粉霞。寫賦好追陳后寵，題詩堪送竇滔家。使君即入金鑾殿，夜直無非草白麻。

釣車

荻灣漁客巧粧成，硃鑄銀星一點輕。拋過碧江鷓鴣
岸，軋殘金井輓轆聲。軸磨駢角冰光滑，輪卷春絲水
面平。把向巖灘尋轍跡，漁臺基在巖難傾。

柳

漠、金條引線微年、先翠報春歸。鮮籠飛靄延芳
景，不逐亂花飄。夕暉啼鳥噪，蟬堪悵，望舞烟。搖水自
因依。五株名顯，陶家後見，說辭榮種者稀。

愁

夜長偏覺漏聲遲，往、隨歌悵翠眉。黃葉落催砧杵
日、規啼破夢魂。時明妃去，泣千行淚，暮琰歸梳。兩

鬢絲四皓入山，招不得無家歸客。最堪欺

草

廢苑荒堦伴綠苔，恩疎長信恨難開。姑蘇麋鹿食思
食，楚澤王孫來不來。色嫩似將藍汁染，葉齊如把剪刀
裁。燕昭死後多卿士，十載流芳即隗臺。

螢

月墜西樓，夜影空透。簾穿幕，達房櫳。流光堪在珠璣
列，為火不生榆柳中。一、照通黃卷，字輕、化出綠
蕪叢。欲知應候，何時節，六月初迎。大者風

水

火性何如水性柔西來東出幾時休莫言通海能通
漢雖解浮舟也覆舟湘浦暮沉堯女怨汾河秋泛漢
皇愁洪波激湍歸何處二月桃花涵眼流

荅

印望麋鹿野禽蹤巖壁漁磯幾處逢今谷曉凝花影
重章華春映柳陰濃石橋羽客道前跡陳閨才人沒
舊容歸處掃除堦砌下燕痕殘點一重、

曉

水盡銅龍滴漸微景陽鐘動夢魂飛
潼關鷄唱促歸騎
金殿燭殘求御衣
窓下寒机獨自織
梁間棲燕欲

雙飛義和晴簪扶桑轡借與寰瀛看早暉

別

酒盡欲終問後期泛萍浮梗不勝悲東門走馬夜歸
處南浦片帆飛去時賦罷江淹吟更苦詩成蘇武思
何遲可憐范陸分襟後空折梅花寄所思

夜

日墜虞淵燭影開沉、烟霧壓浮埃剡川雪滿子猷
去漢殿月生王母來簷掛蛛絲應漸織風吹螢火不
成灰愁人莫道何時旦自有鐘鳴漏滴催

雨

引電隨龍密又輕酒杯閑喫得嘉名千山草不如雲
暗陸地波濶接海平灑竹幾添春睡重滴簷偏遣夜
愁生陰妖冷孽成何怪敢敵高天日月明

菲

為實隨流瑞色新泛風縈草護遊鱗密竹碧水澄涵
月澁滯輕燒去採蘋比物何名腰一劍無根堪並鏡
中身平湖春渚知何限撥砑閑投獨繭綸

恨

事與時違不自由如燒如刺寸心頭烏江項籍忍歸
去廡塞李陵長繫留燕國飛霜將破夏漢宮紈扇豈

禁秋須知人骨難銷處莫比人間取次愁

鴻

行如兄弟影連空春去秋來燕不同紫塞別當秋露
白碧山飛入暮霞紅宣王德美周詩內蘇武書傳漢
苑中况解啣蘆避方箭無聲歸透雁聞風

鶴

闌苑瑤臺歲月長一歸華表好增傷新聲乍警初零
露折羽閑飛幾片霜要伴神仙歸若落豈隨鳧雁住
方塘三山頂上無人處瓊樹堪巢不死鄉

鵲

神化唯源瑞即開雕鏤毛羽出浮埃香闥報善行人
至碧漢填河織女回明月解隨烏繞樹青銅寧愧雀
為臺瓊枝翠葉庭前植徒待翩、去又來

霜

應節誰窮造化端菊黃豺祭問應誰紅窓透出鴛衾
冷白草飛時雁塞寒露結芝蘭瓊屑厚日乾葵藿粉
痕殘世間無比催搖落松竹何人肯更看

風

城上寒來思莫窮土囊蘋末兩難同飄成遠浪江湖
際吹起暮塵京洛中飛雪蕭條殘臘節蕊花狼籍古

行宮春能和煦秋搖落生殺還同造化功

帆

豈勞孤棹送行舟輕過天涯勢未休斷岬晚看殘月
掛遠灣寒背夕陽收川平直可追飛鷺風健還能泝急
流幸遇濟川息不淺北溟東海更何愁

夢

月落燈前閉北堂神魂交入杳冥鄉文通毫管醒來
異武帝蘄蕪覺後香傳說已徵賢可輔周公不見恨
何長生松十八年方應通塞人間豈合忙

東

紫氣夫元出故關大明先照九垓間
鰲山海上秦娥去鱸膾江邊齊椽
還青帝郊烟平似砥主人階級峻
如山蟠桃樹在烟濤水解凍風高
不得攀

丙

密雲郊外已回秋日下崦嵫景懶
收秦帝城高堅似鐵李斯書上曲
如鉤寧惟宋嶽及天秀更有長庚
瞰曙流見說山傍偏出將犬戎降
盡復何愁

南

罩嘉魚憶北方送君前浦恨難
重火山遠照蒼梧郡銅柱高標碧
海鄉陸賈幾時來越島三閩何日
濯

滄浪鍾儀冠幣歸心阻蝴蝶飛
園萬草芳

北

雪滿胡天日影微李君降虜失良
時窮溟駕浪鷗鵬化極海寄書鴻
雁遲來猶未啓殘兵奔去杳

難追可憐燕谷花開晚邨律如何
為一吹

雲

漠、沉、向夕暉蒼梧巫峽兩相依
天心白日空休蔽海上故山應自
歸似蓋好臨千乘載如羅堪剪六
銖衣為霖須救蒼生旱莫向西郊
作雨稀

鷺

從待啣泥濺客衣百禽灵性比他稀何嫌何恨秋須
去無約無期春自歸鷓鴣不容應不怪棟梁相庇願
相依吳王宮女嬌相鬢合整雙毛預奮飛

蟬

寒鳴寧與衆虫同豈髮綫冠豈道窟殼蛻已從今日
化聲愁何似去年中朝催離菊花開露暮促庭槐葉
墜風從此最能驚賦客計无何處轉飛蓬

露

鶴鳴先警雁來天洗竹露花處鮮散綵幾當蟬飲
際凝光宜對蚌胎前朝垂苑草烟猶重夜滴宮槐月

正圓怵惕與霜同降日蘋蘩思薦獨悽然

霞

天際何人濯錦歸偏宜殘照與晨暉流為洞府千年
酒化作靈山幾鬢衣野燒淡連珠赫奕愁雲陰隔乍
依稀勞生願學長生術食盡紅桃上漢飛

蒲

濯秀盤根在碧流紫茵含露向晴抽編為細履隨君
步織作輕帆送客愁疎葉稍違投餌釣密叢還碍採
蓮舟鴛鴦鷓鴣多情甚日、雙、遠傍遊

泉

非鑿非疏出洞門源深流嶮合還分高成瀑布漱連
客清入御溝朝聖君逆滴幾山穿破石迅飛層嶠噴
開雲舊齋一帶連松竹明月窓前祇上聞

煙

燎野焚林見所從惹空橫水展形容能滋甘的隨車
潤不並行雲逐夢蹤晴鳥迴籠嘉樹薄春亭嬌幕好
花濃有時片風吹去海碧山青過幾重

閑

不管人間是与非白雲流水自相依一瓢掛樹傲時
代三柳種門吟落暉江上翠娥遠佩去岫邊紅袖採

蓮歸客星辭得漢光武却坐東江看薜磯

忙

雙競龍舟疾似風一星毬子兩明同平吳破蜀三除
裏滅楚圖秦百戰中春近出鶻啼不斷寒催歸雁去
何窮兵還失路旌旗亂驚起紅塵以轉蓬

淚

發事牽情不自由偶然惆悵即難收已聞抱玉沾衣
濕見說迷途滿目流滴盡綺筵紅燭暗墜殘粧閣曉
花羞世間何處偏留得萬點分明湘水頭

月

碧落誰分造化權
結霜凝雪作嬋娟
寒蟬若不開三
兀狡兔何從上九天
莫見團圓明處
遂須看彎曲鑿
時偏却說樹老堯
莫換惆悵今年似去年



卷之四